

## SEGUNDA CONVOCATORIA para a subvención de actividades de reactivación e promoción económica do Concello de Ferrol para o ano 2022.

No marco das *Bases reguladoras específicas para a subvención de actividades de reactivación e promoción económica do Concello de Ferrol para o ano 2022* (BOP núm. 107, do 7 de xuño de 2022), aprobadas polo Concello-Pleno con data do 26/05/2022.

### 1.- Créditos presupostarios

A contía destinada a atender esta liña de subvención ascende á **cantidade total de 30.384,03€** que corresponde ao crédito sobrance da primeira convocatoria.

O financiamento destas axudas efectuarase con cargo aos orzamentos municipais do exercicio 2022 consignados:

- **Aplicación orzamentaria: 02104-2412-48000**
- **RC núm. de operación: 222103593**

O importe total das axudas distribuírase do seguinte xeito:

Importe máximo de subvención	Número mínimo de activ. solicitadas	Importe máximo subvencionable por entidade	Período de execución das actividades
Até o 80% dos gastos subvencionables	Mínimo solicitude de 2 actividades por entidade	15.000,00 €	Anualidade 2022

### 2.- Obxecto e finalidade

Ten por obxecto establecer as normas específicas, no marco da Ordenanza Xeral de Subvención deste Concello (BOP núm. 200 de 21/10/2019), polas que se rexerá a convocatoria pública, en concorrencia competitiva, das axudas e subvencións dirixidas á reactivación e promoción económica do Concello de Ferrol para o ano 2022.

Para este fin establécese as seguintes liñas de axuda:

<b>Liña 1</b>	<b>Actividades de dinamización da oferta comercial, hostaleira e dos mercados</b> destinadas á promoción do comercio local fronte ás grandes superficies, á recuperación do sector hostaleiro, así como o apoio á revitalización dos mercados municipais como referente do comercio de proximidade e quilómetro cero.
<b>Liña 2</b>	<b>Actividades de fomento do emprendemento</b> destinadas á promoción da cultura emprendedora así como a mellorar o posicionamento da cidade como referente emprendedor.

### 3.- Modalidade de concesión

Réxime de concorrencia competitiva.

### 4.- Requisitos para solicitar as subvencións

Poderán concorrer a esta convocatoria todas aquelas asociacións, sen ánimo de lucro, relacionadas co comercio, coa hostalería, cos mercados de Ferrol e coas asociacións empresariais con ámbito de actuación no Concello de Ferrol e que cumpran os requisitos desta convocatoria.

Para ser beneficiarias das axudas, as ditas entidades deberán cumprir os seguintes requisitos:

- Estar legalmente constituídas como tales, sen ánimo de lucro, e figurar inscritas no Rexistro Municipal de Entidades do Concello de Ferrol (declaración modelo solicitude)
- Cumprir os requisitos das bases específicas e a súa convocatoria
- Non contravir o regulado nos artigos 13 e 14 da Lei 38/2003, do 17 de novembro, xeral de subvencións.
- Estar ao corrente das súas obrigas tributarias (estatal e local) e coa Seguridade Social.
- Ter o domicilio fiscal no Concello de Ferrol ou desenvolver as súas actividades no termo municipal de Ferrol.

## 5.- Órganos competentes para a instrucción e resolución do procedemento

O órgano competente para a instrucción do procedemento será o Negociado de Promoción Económica. O órgano competente para a resolución do procedemento será a concelleira delegada da Área de Economía, Facenda e Patrimonio, Recursos Humanos, Emprego, Promoción Económica, Turismo, Estatística e Edusi.

## 6.- Prazo de presentación de solicitudes

<b>presentación:</b>	<b>deberán presentarse obrigatoriamente por medios electrónicos</b> a través da <b>Sede Electrónica do Concello de Ferrol:</b> <a href="https://www.ferrol.gal/Sede">https://www.ferrol.gal/Sede</a>
<b>Prazo:</b>	10 días hábiles contados a partir do día seguinte ao da publicación do extracto da convocatoria no BOP de conformidade co procedemento establecido no art. 20.8 da Lei 38/2003, de 17 de novembro, Xeral de Subvencións.

## 7.- Prazo de resolución e notificación

O acordo da concelleira delegada da Área de Economía, Facenda e Patrimonio, Recursos Humanos, Emprego, Promoción Económica, Turismo, Estatística e Edusi polo que se conceden estas subvencións adoptárase no prazo máximo de seis meses contados a partir da data de publicación da convocatoria.

## 8.- Documentación a presentar coa solicitude

As solicitudes deberán formularse nos modelos normalizados que se poderán descargar na web do Concello de Ferrol e deberán acompañarse da documentación complementaria segundo o disposto na Base 6 das bases reguladoras específicas que acompañan a esta convocatoria

## 9.- Criterios de valoración

Os que figuran na Base 7 que acompañan a esta convocatoria

## 10.- Notificación e publicación

A concesión das subvencións será aprobada por resolución da concelleira delegada da Área de Economía, Facenda e Patrimonio, Recursos Humanos, Emprego, Promoción Económica, Turismo, Estatística e Edusi trala formulación da proposta de concesión realizada pola unidade administrativa encargada da instrucción á vista do informe da comisión avaliadora.

As subvencións concedidas notificaranse aos interesados de conformidade co disposto no art. 40 da Lei 39/2015 e practicarase por medios electrónicos. Así mesmo, publicaranse no taboleiro de anuncios electrónico do Concello de Ferrol así como na BDNS.

## 11.- Recursos

A resolución de concesión poñerá fin á vía administrativa, para os efectos da interposición dos recursos administrativos que procedan relizarse de conformidade co disposto na Lei 39/2015, de 1 de outubro, do procedemento administrativo común das administracións públicas.

## 12.- Prazo de xustificación da subvención

De conformidade coa Base 9.1 das Bases reguladoras, o prazo para a xustificación da subvención rematará o **30 de novembro de 2022**

Ferrol, na data da sinatura electrónica

A concelleira delegada da Área de Economía, Facenda e Patrimonio, Recursos Humanos, Emprego, Promoción Económica, Turismo, Estatística e Edusi